

Mazarin
3669b

Le Siege d'Avbervilliers

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3669b

UNIVERSITY OF N.C. AT CHAPEL HILL



00023010787

3669 21

*Carrière
plus d'esprit*

*indépendance
VII 75*

LE
SIEGE
D'AVBERVILLIERS
En Vers Burlesques.

A PARIS,

M. DC. XLIX.

LE

SIEGE

D'AVBERVILLIERS

En Vers Buisson

A PARIS

chez la Citoyenne



LE SIEGE D'AVBERVILLIERS.

CE fut le Mercredy dernier ;
 Le vingt-quatre de Feurier
 Que nos Bourgeois comme des Droles
 Prirent Fuzils sur leurs espaules,
 Et s'en allerent à Saint Denys
 Pour se charger de pain benist ;
 Car les pains benists l'on appelle
 Tout ce qu'on met dans la Chapelle,
 Et tousiours on appellera
 Tant que la guerre durera.

Mais par ce que dans leurs potages
 De long-temps n'auoient mis d'herbages:
 Ils assiegerent Auberuillers
 Pour en recouurer des milliers.
 Aussi-tost qu'ils en furent proches
 Ils en firent tous les approches,
 Mais parce que les ennemis

Des sentinelles auoient mis,
 L'on commanda la compagnie
 Des goulus, qui sans raillerie
 Les inuestissans tout de bon,
 Enleuerent tout le canon.
 Sçauiez-vous ce que ie veux dire,
 Ie vous coniure de n'en rire.
 Les canons estoient des nauets,
 Et les balles estoient des pets.
 Dedans cette grande bataille
 Il n'y eut point de funeraille,
 Car le Canonier mal-adroit
 Ne sçachant pas tirer bien droit,
 Donnoit tous ses coups dans la terre,
 (Chose qui luy estoit amere,)
 Et les balles de son canon
 Ne donnoient que dans le talon.
 Des gens ils auoient à combattre
 Qui ne demandoient qu'à se battre,
 Et tous les Bourgeois de Paris,
 Qui n'en paroissoient point marris:
 Car ils auoient pour Capitaine
 Vn certain nommé la BEDAINE,
 Et pour son Lieutenant la DENT,
 Qui seul en tuë plus de cinq cent:
 Qui au milieu de la Bataille
 Ne demande que la ripaille.
 Les ennemis pour General
 Auoient vn qui fait bien du mal,

Mort

3

Mort-non-pas, c'est vn meschant homme;
Assurement il vient de Rome,
C'estoit le Capitaine OYGNON,
Qui fait larmoyer tout de bon
Celuy qui de trop prez l'approche,
Il ne demande que la broche,
Que sang, que meurtre, qu'à piller
De tout ce que l'on peut piler,
Il gaigne tousiours la victoire,
Il est amoureux de la gloire:
Il combattit dernièrement
Des bœufs vn bon gros Regiment,
Et leur cassant à tous la teste,
Il n'en laissa pas vn de reste:
Mais il y fut à cette fois
Bien estrillé par nos Bourgeois,
Qui ioyeux de faire ripaille
Gagnerent viste la bataille.

Si vous voulez sçauoir comment,
Attendez encore vn moment,
Je m'en vay commencer d'escire,
Si vous auez loisir de lire,
Vous sçaurez ce qui s'est pafsé,
Et qu'on y vid de trespafsé.

Tous les habitans de la ville
De l'Auberuilliers si gentille,
Ayant veu leur canon perdu,
Et qu'ils en auoient dans le cul,
Se resoluent à la sortie

Pour chasser la troupe ennemie.
On commanda premierement
BETTERAVE & son Regiment,
Après fuiuoient dedans la presse
Les CHOUX qui tant aiment la graisse,
Et celuy des TOPINAMBOURS
Prest au premier coup de tambours.
Pour la troupe Parisienne
Qui vouloit ja faire des fienne,
Auoit armé contre l'OYGNON
ROBERT cruel plus qu'un lyon;
Pour le CHOUX, c'estoit la BEDAINE,
Qui est un vaillant Capitaine:
La MACHOIRE y estoit aussi
Qui combattit à Iuifi,
Où il gagna cette victoire
Dont l'on ne perdra la memoire:
L'on dit que grand furent les chocs,
Tel n'est pas celuy de deux cocqs.
Helas! que de blesez par terre!
Iamais on ne vit telle guerre:
Le Parisien ne manque pas
De iouer des mains & des bras;
Et l'on dit que dans la bataille
Ils tuerent cette canaille.
ROBERT d'un coup d'estramaçon
Coupa la teste de l'OYGNON,
Et luy despoüilla sa chemise
Qu'il auoit dessus sa chair mise,

Et après l'auoir bien haché
Menu comme chair à pâté,
Le mit dans vne léche-frite
Sans que le pauuret le merite,
Et là fit vn certain bouillon
Qu'on a nommé faulce à l'Oygnon :
Cruauté bien épouuentable !
Qu'on ne hait pourtant pas à table :
Car pour vne faulce à Robert
Souuent tout le disner on perd.
Par tout où rodoit la MACHOIRE,
L'on gaignoit tousiours la victoire :
Car il auoit des Regiments
De vrais Diables, si ie ne ments,
Qui portoient avec eux la foudre,
Pour reduire le monde en poudre.
Après la BEDAINE suiuiot,
Lequel iamais ne s'enfuyoit,
Et qui comme sa compagnie
Tuoit de plaisante manie :
Enfin par tous les bataillons
L'on s'en alloit à reculons :
Les CHOIX & tous les BETTERAVES
Se retirerent dans des caues,
Les Bourgeois ne les quittent point,
Mais tousiours à brusse-pourpoint,
Rendez-vous, s'escrient-ils ensemble :
Mais à pas vn d'eux cela semble
Iuste, ny honeste, ny beau,

De se rendre ainsi comme veau.
Après que la ville fut prise,
Ne salut vser de remise,
Car autrement point de quartiers,
L'on les auroit mis en quartiers.
Voilà cette belle bataille
Qu'on donna deuant la muraille
De la ville d'Auberuilliers,
Où l'on prit des choux à milliers.
Voilà cette grande iournée,
Qui sera par la renommée
Mise deuant tous les combats
Qu'on a donnés aux Pays-bas.

F I N

